

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Waiata Māori

Aronga: Toi Puoro 1.1C

Paerewa Paetae: Toi Puoro 1.1

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe, ka rangahau koe i ngā tirohanga me ngā ariā o tētahi waiata Māori.

Te horopaki

Ko tāu nā mahi he mahi takitahi ki te whakarite whakaaturanga mō tētahi waiata Māori.

Māu tētahi waiata Māori e kōwhiri. Ka āta tirohia ngā kupu o te waiata, kātahi ka whakamārama koe i ngā kupu/kōrero/whakaaro hōhonu.

Ka aromatawaingia tāu whakaatu māramatanga ki ngā tirohanga me ngā ariā o te waiata.

Hei mahi

Kōwhiria tētahi waiata Māori. Kei a koe te tikanga me he waiata inamata, he waiata o nāianeī rānei.

Rangahaua te kaitito, tōna tipunga ake, tōna oranga, tae noa ki ngā wheako/aweawe kua pā ki a ia. Tirohia hoki ngā wheako e kaha whakaawe ana i te kaiwaiata i roto i tōna ao puoro. Tikina ngā kupu/kōrero/whakaaro hōhonu o te waiata, ka whakamōhio mai ai i ngā hononga o ēnei kupu/kōrero/whakaaro ki ōna wheako/ki tōna ao.

Whakaritea tāu whakaaturanga. Kei a koe te tikanga mō te momo whakaaturanga, arā pea, he pānui whakaahua, he whakaaturanga matihiko, he kauhau, he aha atu rānei. Ko te tikanga ia, kia whakamārama atu koe i ngā tirohanga me ngā ariā o te waiata, tae atu ki ngā hononga o ēnei tūāhuatanga ki tō te kaitito ao. Tukua tāu whakaaturanga ki te rōpū, ki te pū whakaahua rānei.

Kōrero Āpiti

ariā toi puoro	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko ngā ariā toi puoro ko ngā tirohanga me ngā ariā o tētahi waiata.</p>
----------------	---